

# Qalam

KDN 434

---

156      Safar      1383,      Julai      1963      60      sen

---

## Majlis Penasihat Islam Singapura

Lantikan bagi ahli-ahli baharu Majlis Penasihat

Islam Kerajaan Singapura bagi tahun 1963 ini

telah dilaksanakan dan telah disiarkan di dalam Warta Jabatan

Kerajaan. Di antara orang-orang yang dilantik itu ada beberapa

orang baharu – selainnya adalah orang-orang lama termasuk

Encik Ahmad bin Mohamed Ibrahim, Peguam Agung Kerajaan

Singapura, sebagai Nait<sup>1</sup> Pengerusinya.

Pada penghujung tahun 1962, apabila persoalan

berkenaan perkara-perkara kahwin lebih dari satu dan perkara-perkara

cerai, kahwin ramai menjadi perbincangan dan kedudukan

ahli-ahli majlis diulas diberitakan Encik Ahmad Ibrahim

telah meletakkan jawatannya menjadi ahli Majlis Penasihat

Islam, sebab beliau sendiri tentunya terasa dan

merasa bahawa ada baiknya beliau tidak menjadi ahli

Majlis itu dengan kerana kedudukan beliau, selain

daripada menjadi ahli Majlis itu adalah beliau menjadi

Peguam Agung Kerajaan sudah barang tentu bahawa

jabatannya beliau itulah yang merangka suatu undang-undang,

kalau berkenaan atau mengenai orang-orang Islam, akan

dikemukakan kepada Majlis itu meminta nasihatnya dan

sudah barang tentu tidaklah molek kalau beliau membuatnya,

atau sekurangnya ada kena mengena dengan gubalan undang-undang

yang dibuat itu, beliau sendiri pula menyertai

persetujuannya dan membahasnya di dalam Majlis Penasihat

Islam apa lagi pengaruh beliau sememangnya besar di dalam

Majlis itu.

Sebab itulah perletakan jawatan beliau dahulu

disambut baik dan dihargakan dan dipandang sebagai

suatu langkah kerajaan Singapura yang terpuji

menghendaki supaya pegawai-pegawai kerajaan tidak ada

sangkut paut di dalam Majlis itu sedang kalau terbit

suatu perkara yang berhajat kepada penjelasan maka

patutlah diminta pegawai-pegawai itu hadir untuk menjelaskannya

- bukan memhas<sup>2</sup>nya.

Tetapi siaran rasmi kerajaan yang menyiarkan

semula nama beliau sebagai Naib Pengerusi Majlis

Penasihat Islam itu adalah memeranjatkan dan bukan

itu sahaja tetapi mendukacitakan. Campuran beliau

ke sana bolehlah kita pandang mengeruhkan lagi perasaan

orang ramai kerana daripada apa yang telah berlaku dan pernah

kita ulas di dalam rencana kita bahawa kedudukan

pegawai-pegawai kerajaan, terutamanya yang ada sangkut pautnya

dengan jabatan di Majlis itu adalah sangat-sangat tidak

diperkenani dan sangat-sangat kelak mempengaruhi fikiran ahli-ahli

Majlis itu kepada perkara-perkara yang dianjurkan oleh kerajaan

sehingga apabila terbit suatu perkara yang mengenai

hukum-hukum Islam untuk orang-orang Islam terus sahaja

mendapat bahasnya dan bingkisan ramai dan dipandang bukan

---

<sup>1</sup> Perkataan sebenarnya ialah Naib

---

<sup>2</sup> Perkataan sebenarnya ialah membahasnya.

daripada hukum-hukum Islam. Ini dapat dilihat tentang perkara yang terjadi di dalam Rang Undang-undang Hukum Orang-orang Islam yang ditarik untuk disemak semula. Perkara yang sedemikian itu dengan sendirinya menerbitkan sangkaan-sangkaan yang tidak digemari ke atas majlis itu seolah-olah membuat sesuatu undang-undang hukumnya bertentangan dengan hukum Islam untuk digunakan *makhṣūṣ* kepada orang-orang Islam sahaja.

Kita berharap dengan sangat kerajaan Singapura menimbangkan dan memikirkan semula tentang kedudukan seorang yang memegang jawatan yang mustahak seperti Peguam Agung itu untuk memegang sesuatu jawatan di dalam sebuah Majlis yang selalu perkara-perkaranya ada sangkut paut dengan jabatannya.

Kita berharap supaya Encik Ahmad bin Mohamed Ibrahim tidaklah duduk di dalam Majlis itu untuk menjauhkan daripada segala prasangka bahawa majlis itu sebenarnya tidak mewakili suara umat Islam Singapura. Dengan pandangan ini tidaklah bermakna yang kita tidak menghargakan kelayakan dan kebolehan beliau. Kebolehannya adalah kita sanjung dan hormati tetapi kedudukannya di dalam jabatannya adalah menjadi sebab beliau menurut pandangan kita tidak molek beliau duduk sebagai ahli Majlis Penasihat Islam.

\* \* \*

### **Penampungan Kanak-Kanak Yang Tak Terkawal**

Di kota-kota besar, terutamanya seperti Singapura ini, banyak tempat-tempat hiburan dan banyak hal-hal yang boleh

dipandang; dan banyak pula tempat-tempat yang boleh merehatkan diri dan menjauhkan diri sehari-hari dari rumah seseorang. Ini biasanya berlaku bagi kanak-kanak yang baharu meningkat kepada umur sepuluh dengan lima belas tahun.

Kanak-kanak seperti ini mulanya banyak bercampur dengan kawan-kawannya dan lalu tidak berapa mengendahkan pelajarannya yang didapatnya di sekolah-sekolah. Dengan itu maka mulailah lemah pelajarannya dan lama-kelamaan lalu kemahuan untuk belajar hilang langsung. Kanak-kanak itu keluar dan masuk rumahnya dengan sesukanya sahaja sedang ibu bapanya, terutamanya ayahnya pada umumnya tidak banyak masanya di rumah.

Kanak-kanak yang umurnya peringkat seperti ini banyak berkeliaran di sana sini dan banyaklah daripada mereka yang tidak dapat meneruskan sekolahnya daripada sekolah rendah kepada sekolah menengah kerana umumnya mereka jatuh di dalam peperiksaan dan kemahuan belajar tidak ada.

Mereka akhirnya bercampur dengan kanak-kanak nakal, mengukur jalan siang malam, dan jarang mereka menjadi kanak-kanak yang baik kerana mereka sentiasa bercampur dengan kanak-kanak nakal. Umumnya ibu bapanya tidak dapat mengawal mereka kerana masing-masing dengan halnya.

Untuk menghadapi kanak-kanak nakal, kerajaan telah mengadakan satu tempat mereka belajar terkenal dengan nama "Sekolah Jameson". Di sana, kanak-kanak yang telah melakukan kejahatan atau melanggar undang-undang negeri diperintahkan ditahan di sana untuk dididik. Ini satu langkah yang